

सप्त॒र्तवः॑ संवत्सरः॑ संवत्सरो॑ऽग्नि॒र्यावान॑ग्नि॒र्यावत्य॑स्य मा॒त्रा ता॒वत्तद्व॑वत्युपा॒ऽ-  
 श्वन्वा॒ह रेतो॑ वा॒ऽअत्र॑ यज्ञ उपा॒ऽशु वै रेतः॑ सिच्यते पश्चा॒दनु॑ब्रुवन्न॒न्वेति॑ क॒न्दो-  
 भिरे॒वैतद्यज्ञं॑ पश्चा॒दभिर॑क्षन्नेति ॥ १॥ अथा॒श्व॒ऽशुक्लं॑ पु॒रस्ता॑न्नयन्ति । एतद्वै दे॒वा  
 अ॒भिभ॑युर्यद्वै न इ॒ह र॒क्षा॒ऽसि ना॒ष्टा न ह॒न्युरि॒ति त॒ऽएतं॑ व॒ज्रम॑पश्यन्नमु॒मेवादि॑-  
 त्यमसौ वा॒ऽआदित्य॑ एषो॒ऽश्वस्त॑ऽएतेन॑ व॒ज्रेण॑ पु॒रस्ता॑द्र॒क्षा॒ऽसि ना॒ष्टा अ॒प॒ह॒त्या-  
 भये॑ऽना॒ष्टे स्व॑स्ति स॒माश्रु॑वत तथै॒वैतद्य॑ज्ञमान एतेन॑ व॒ज्रेण॑ पु॒रस्ता॑द्र॒क्षा॒ऽसि ना-  
 ष्टा अ॒प॒ह॒त्या॒भये॑ऽना॒ष्टे स्व॑स्ति स॒मश्रु॑त॒ऽआग॑हृत्यग्निं दक्षिणातः पु॒रस्य॑ चि॒तिमु॑-  
 प॒नि॒द॒धत्यु॑त्तरतो॒ऽश्वमा॑क्रमयन्ति ॥ १०॥ तमु॒त्तरार्धे॑नग्निः । अ॒न्तरे॑ण परि॒श्रितः॑ प्रा॒ञ्चं  
 न॑यन्ति तत्प्रा॒च्यै दि॒शः पा॒प्मान॑म॒प॒ह॒न्ति तं दक्षि॑णा तद॒क्षिणा॑यै दि॒शः पा॒प्मान॑-  
 म॒प॒ह॒न्ति तं प्र॒त्य॒ञ्चं तत्प्र॑ती॒च्यै दि॒शः पा॒प्मान॑म॒प॒ह॒न्ति तमु॒द॒ञ्चं तदु॒दी॒च्यै दि॒शः  
 पा॒प्मान॑म॒प॒ह॒न्ति स॒र्वाभ्य॑ ए॒वैतद्दि॒ग्भ्यो र॒क्षा॒ऽसि ना॒ष्टा अ॒प॒ह॒त्या॒थैनमु॒द॒ञ्चं प्रा॒ञ्चं  
 प्र॑सृजति त॒स्योक्तो ब॒न्धुः ॥ ११॥ ॥ शतम् ४१०० ॥ ॥ तं प्र॒त्य॒ञ्चं य॒न्तम् । एतां चि॑-  
 ति॒मव॑ग्रापयत्यसौ वा॒ऽआदित्य॑ एषो॒ऽश्व इ॒मा उ स॒र्वाः प्र॑जा या इ॒मा इ॒ष्टका॑स्त-  
 द्य॒दव॑ग्रापयत्यस॒विव॑ तदा॒दित्य॑ इ॒माः प्र॑जा अ॒भिजि॑घ्रति त॒स्माडु॑ दै॒तत्स॒र्वो॑ऽस्मी-  
 ति॑ मन्यते प्र॒जाप॑तेर्वी॒र्येण॑ तद्यत्प्र॒त्य॒ञ्चं य॒न्तम॑वग्रापयति प्र॒त्य॒ङ् क्ये॒वैष य॒न्नि॒माः  
 स॒र्वाः प्र॑जा अ॒भिजि॑घ्रति ॥ १२॥ यद्वे॒वाव॑ग्रापयति । असौ वा॒ऽआदित्य॑ एषो॒ऽश्व  
 इ॒म॒ऽउ लो॒का ए॒ताः स्व॑यमातृ॒ष्ठास्तद्य॑दवग्रापयत्यस॒विव॑ तदा॒दित्य॑ इ॒मांलो॒कात्सू॒-  
 त्रे स॒माव॑यते तद्यत्तत्सू॒त्रमु॑परि त॒स्य ब॒न्धुः ॥ १३॥ यद्वे॒वाव॑ग्रापयति । अग्नि॒र्दे॒वे-  
 भ्य उ॒द॒क्राम॑त्सो॒ऽपः प्रा॒वि॒श॒न्ते दे॒वाः प्र॑जापतिमब्रुवन्स्त्वमिममन्वि॒ह स तु॒भ्य॒ऽ स्वा-  
 य पि॒त्र॒ऽआवि॑र्भविष्यतीति तमश्चः शु॒क्लो भू॒वान्वै॒ह॒त॒म॒द्य उ॒पो॒दा॒सृ॒तं पु॒ष्कर॑पर्णे  
 वि॒वेद॑ तमभ्यवेक्षां च॒क्रे स॒ दैन॑मु॒डुवो॑ष त॒स्माद॒श्वः शु॒क्ल उ॒डु॒ष्टमु॒ख-इ॒वा॒थो ह  
 ड॒र॒क्षो भा॒वुक॑स्तमु वा॒ऽऋ॒ते॒व ह्नि॒ऽसि॒वे॒व मे॒ने त॒ऽ हो॒वाच॑ व॒रं ते द॑दामीति